



30 Phupu 2019

MOKETE WA HO THWASA HA SELEMO SA BASOTHO

Ditsebi tsa Botjhaba ba Basotho, baetapele ba setso, dingaka tsa setso, dikgeleke tsa puo ya Sesotho le setjhaba sa Basotho ka kakaretso ba tla kopana moketeng wa ho Thwasa ha Selemo sa Basotho, ho hlwaya qaleho ya khalendara ya Basotho ya bohohoholo, e qalang hang kamora matsatsi a qetelang sehla sa mariha, ka kgwedi ya Phato.

Sehla sena se tsejwa ka meya e fokang le kotulo ya dijalo. Ke ka hoo dijalo tsa pele tse kotulwang ka tlwaelo e bang tse nehelwang e le teboho ho Ntate Modimo.

Mokete ona, o ketekwang ka dipina tsa botjhaba, metjeko ,meetlo le dijo, o lebeletswe ho fana ka sebaka sa ho rupella tsa botjhaba ba Sesotho ho batjha ekasitana le ho ruta haholwanyane ka dikarolo tse ding tsohle tsa botjhaba bona.

Se ka sehloohong moketeng ona ke dipontsho tse kenyeletsang batshehetsi ba apereng dikobo le meaparo ya botjhaba, banna ba kaletseng dipere le dibini tsa dipina tsa botjhaba ba Basotho. Mokete wa selemo sena sa 2019 o tla tshwarwa ka tsela e latelang:

Letsatsi : 03 Phato 2019

Sebaka : Motseng wa Botjhaba ba Basotho (*Basotho Cultural Village*)

Phuthaditjhaba

Nako : 09:00 hoseng

Mokete ona wa ho Thwasa ha Selemo sa Basotho wa 2019 o tla etellwa pele ke Lenaneo la Katamelabaahi le tla qala ka la 30 Phupu 2019 mme le felle ka la 02 Phato 2019. Lenaneo lena e tla ba lona letsholo la pulamadiboho moketeng wa ho Thwasa

ha Selemo sa Basotho, mme le tla tobana haholo le dikolo tse mmalwa tse tikolohong ya Fouriesburg, Bethlehem, Kestell, Harrismith le QwaQwa.

Ha a ne a bua ka mokete ona wa 2019 wa ho Thwasa ha Selemo sa Basotho, Letona Limakatso Mahasa o boletse hore “Lefapha le itlama ho boloka le ho ntshepele botjhaba ba rona ka ho hlokomela dimuseamo tse mmalwa le dibaka tsa botjhaba ka hara provense. Ho keteka Thwasa ya Selemo sa Basotho ho amana le maikemisetso a rona a ho kgothaletsa kopano ya setjhaba ka ho amohela mefuta yohle ya botjhaba.

Hape e tebisa le sepheo sa rona sa ho nnetefatsa hore setjhaba sa rona se a itseba mme se tseba le botjhaba ba sona. Re ka kgona ho aha setjhaba se atlehileng mme ebile se kopane ha feela baahi ba hlokometse nalane le botjhaba ba bona. Sesotho ke puo e atileng, e buuwang ke 64% ya baahi ka hara provense ya Freistata. Ka hoo, re tlameha ho se baballa le ho se kgothaletsa jwalo ka dipuo tse ding”.

Baqolotsi ba lona ba ditaba ba a mengwa ho tla moketeng ona.

E ntshitswe ke Lefapha la Freistata la Dipapadi, Bonono, Botjhaba le Boikgathollo (DSACR)

Dipotso tsohle di ka lebiswa ho:

Tankiso Zola
Molaodi: Dikgokahanyo le Lesedi la Theknoloji
Selfounu: 082 940 2392
Mohala: 051 – 410 4735/4821
Imeili: tankiso@sacr.fs.gov.za

Re latele ka ho penya ctrl – mme o tobetse ho linki ena e tlaase mona:



**Feisbuku/Lefapha la Freistata Thwitha/fssacr Websaete/www.fssacr.gov.za
Lefapha la Dipapadi, Bonono, Botjhaba le Boikgathollo**

Private Bag X20606, Bloemfontein, 9300

Business Partners Building, Cnr Henry and East Burger Streets, Bloemfontein

Tel: (051) 410 4735 **Fax:** (051) 410 4786 **Email:** tankiso@sacr.fs.gov.za

www.fs.gov.za